

Cronfa Datblygiadau Strategol y Coleg: cynllun grantiau bach

Dyddiad: 24 Medi 2014

Cyfeirnod: 14/03

I: Penaethiaid sefydliadau addysg uwch Cymru, Grŵp Ymgynghorol y Coleg Cymraeg Cenedlaethol, cydlynwyr darpariaeth cyfrwng Cymraeg sefydliadol a Swyddogion Cangen.

Ymateb Erbyn: 14 Tachwedd 2014

Cyswllt: Rhian Davies

E-bost: Rh.Davies@colegcymraeg.ac.uk

Mae'r cylchlythyr hwn yn gwahodd ceisiadau am grantiau bach i'w dyfarnu o Gronfa Datblygiadau Strategol y Coleg.

Mae'r ddogfen hon ar gael ar wefan y Coleg Cymraeg Cenedlaethol

Cylchlythyr Grantiau Bach

Cefndir

1. Mae'r cylchlythyr hwn yn amlinellu'r trefniadau ar gyfer cyflwyno ceisiadau am grantiau bach o Gronfa Datblygiadau Strategol y Coleg Cymraeg Cenedlaethol [y Coleg].
2. Mae gan y Coleg Gronfa Datblygiadau Strategol [y Gronfa] ar gyfer prosiectau mawr ac mae dyfarniadau o'r Gronfa honno yn cael eu penderfynu o leiaf unwaith y flwyddyn.
3. Mae cyfran o'r Gronfa wedi ei neilltuo ar gyfer grantiau bach i gyllido neu gefnogi prosiectau bychain na fydd yn parhau am fwy na blwyddyn, ac na fydd angen cyfraniad o fwy na £2,500 gan y Coleg Cymraeg Cenedlaethol.
4. Amcan y Gronfa Grantiau Bach yw cefnogi mentrau arloesol, gan gynnwys prosiectau unigol, a fydd yn helaethu a/neu'n cyfoethogi'r ddarpariaeth addysg uwch cyfrwng Cymraeg, neu'n cyfrannu mewn rhyw ffordd arall at gyflawni amcanion Cynllun Academaidd y Coleg. Croesewir ceisiadau am brosiectau a fydd yn arwain at gynhyrchu adnoddau addysgol neu gyhoeddiadau, a gellir hefyd gyflwyno ceisiadau am gyllid i gefnogi gweithgaredd neu ddigwyddiad academaidd cysylltiedig.
5. Mae'r Coleg yn awyddus i wahodd ceisiadau am gyllid i gefnogi amrywiaeth o weithgareddau a datblygiadau, ond gofynnir i'r sawl sy'n cyflwyno ceisiadau i beidio â chynnwys y canlynol oddi mewn i geisiadau:
 - Ceisiadau am gyllid i ryddhau amser darlithwyr er mwyn cyflawni ymchwil pan y'u cyflogir eisoes ar gytundeb dysgu ac ymchwil mewn sefydliadau;
 - Ceisiadau am gyllid i ddatblygu adnoddau er mwyn cefnogi sgiliau iaith a/neu sgiliau astudio myfyrwyr;
 - Ceisiadau am gyllid i gefnogi digwyddiadau neu ddatblygiadau sydd eisoes wedi digwydd;

- Ceisiadau gan unigolion nad ydynt yn aelodau o'r Coleg (yn unol ag amodau'r Cylchlythyr);
- Ceisiadau yn ymwneud â gweithgareddau a gyllidir eisoes gan y Coleg (e.e. gwaith gan ddarlithwyr a gyllidir gan y Coleg neu waith a gwblheir dan un o brosiectau cenedlaethol y Coleg);
- Ceisiadau sy'n ymwneud â gweithgareddau marchnata prifysgolion unigol yn unig;
- Ceisiadau ym maes hyfforddi athrawon hyd nes y cytunir ar gynlluniau datblygu cenedlaethol;
- Ceisiadau gan unigolion sydd eisoes wedi derbyn grant bach, lle nad yw'r gwaith eto wedi'i gwblhau.

Ceisiadau

6. Gwahoddir ceisiadau am grantiau bach gan aelodau o'r Coleg (aelodaeth staff) ar y ffurf a ddynodir yn Atodiad A.
7. Gall pob sefydliad gyflwyno hyd at ddeg cais, ond ni chaniateir mwy nag un cais gan unrhyw unigolyn o fewn un cylch o geisiadau.
8. Rhaid i bob cais gael ei arwyddo ar ran y sefydliad gan gynrychiolydd awdurdodedig, gan sicrhau y dilynwyd prosesau sefydliadol.
9. Cyhoeddir y penderfyniadau ar ddyraniadau o'r cylch hwn o geisiadau drwy gylchlythyr.
10. Dylid cyflwyno ceisiadau erbyn **hanner dydd ar 14 Tachwedd, 2014**. Ni dderbynnir ceisiadau a gyflwynir wedi'r dyddiad hwn, ac ni fydd modd addasu neu ddiwygio ceisiadau wedi'r dyddiad hwn.

Gofynion monitro ac adrodd

11. Bydd unrhyw adnoddau a ddatblygir ar ôl derbyn cyllid drwy'r Gronfa Grantiau Bach yn cael eu gosod ar y Porth, Llyfrgell Ddigidol y Coleg a/neu ar safle iTunesU y Coleg yn unig (oni nodir yn wahanol yn y cais grant).
12. Bydd angen cyflwyno adroddiad byr yn nodi cynnyrch y prosiect, ynghyd â manyleb ariannol lawn wedi'i chymeradwyo gan swyddfa gyllid y Brifysgol, yn dilyn cwblhau'r prosiect. Bydd y Coleg yn gofyn am yr adroddiadau hyn fel rhan o'r broses fonitro chwemisol ar gynnydd yr holl brosiectau a gyllidir yn y sefydliadau drwy'r Gronfa Datblygiadau Strategol.
13. Deuddeg mis fydd cyfnod hiraf unrhyw brosiect a bydd angen dychwelyd unrhyw gyllid na wariwyd yn ystod y cyfnod hwnnw.

Ymholiadau pellach

14. Dylid cyfeirio unrhyw ymholiadau am grantiau bach ar e-bost at Rhian Davies rh.davies@colegcymraeg.ac.uk yn y lle cyntaf.

ATODIAD A

Teitl y Prosiect:

Rheolydd y Prosiect (enw, e-bost, rhif ffôn)	
Sefydliad:	
Dyddiad cychwyn:	
Dyddiad gorffen:	
Cyfanswm Grant:	


1. Amlinelliad cryno o'r prosiect arfaethedig (heb fod yn hwy na 500 gair)

--

2. Amserlen a chyllideb arfaethedig y prosiect

Amserlen	Gweithgaredd	Cost
	Cyfanswm	

3. Ffynonellau cyllid eraill (os yn berthnasol)



4. Cynnwys y Prosiect (heb fod yn hwy na 250 gair)



Arwyddwyd gan y darpar reolwr prosiect:

Arwyddwyd gan y Sefydliad:

Dyddiad: